




Seo batswadi ba ka se etsang mabapi le ho hloriswa

- ✓ Ho dumela hore ho ka ba le kgohanahalo ya hore ngwana wa hao e ka nna ya ba o a hloriswa.
- ✓ Haeba o belaela hore ho na le ho sa lokang – botsa.
- ✓ Mamela ngwana wa hao.
- ✓ Nkela ditaba tsa hae hloohong.
- ✓ O se behe ngwana wa hao molato le kgale – ha se phoso ya hae.
- ✓ Mo netefaletse hore o entse ntho e nepahetseng ka ho o bolella.
- ✓ O se ke wa tshepisa ho e boloka e le lekunutu.
- ✓ Buisanang ka mekgwa e ka kgonehang bakeng sa ho rarolla bothata boo.
- ✓ Ruta bana boitshepo, ho ipuella le bokgoni ba ho phedisana le ba bang.
- ✓ Ngodisa bana diketsahalong tsa ka mora sekolo ho ba thusa ho atolosa sedikadikwe sa bona sa phedisano.
- ✓ Kgothaletsa dipuisano tsa ba lelapa.
- ✓ Hohang o se lebelle hore bana ba itharollele mathata ao ka bobona.
- ✓ Bua le matijhere le batswadi ba bang – haeba ho ena le ngwana a le mong ya hloriswang, ho tla ba le ba bang.



Moralo wa hao wa mehato e meraro wa ho thibela tlhoriso

Ho fumana hore ngwana wa hao o a hloriswa e ka ba ntho e utlwisang bohloko. O ka ikutlwa o maketse, o tshohile, o hloname, o ipea molato kapa o se na thuso. Le wena o ka nna wa ikutlwa eka o phofu.

Disebediswa, mawa le dikeletso ke tsena tse ka o thusang ho iketsetsa meralo e atlehileng ya nako e kgutshwane le e telele bakeng sa ho sireletsa ngwana wa hao ho hlorisweng ke ba bang.



1 Ya pele, etsa bonnete ba hore efela e le tlhoriso, eseng qabang feela ya bana ya tlwaelo.

Ke tlhoriso haeba ketso e utlwisa bohloko, e etswa ka boomo mme e phetwa hangata, mme ho ena le ho se lekane ka matla baneng bao. Ka nako e nngwe, bana ba tshaba kapa ba swaba ho bua ka ho hloriswa. Haeba o belaela hore ngwana wa hao a ka nna a ba phofu ya ho hloriswa, o ka nna wa hloka ho leka mekgwa ena hore o etse bonnete.

Botsa mme o mamele:

- Na ho na le motho ya o utlwisitseng bohloko ka boomo?
- Na motho eo e mong o moholo ho wena kapa o a o tshosa?
- Na ngwana eo o ne a tseba hore o utlwa bohloko?

Dula o shebile matshwao, jwaloka ana:

- O fumana mabaka kapa o iketsetsa ona a hore a se ke a ya sekolong kapa ekare o tshaba ho ya sekolong
- Mala a bohloko kapa hlooho e bohloko e sa utlwisiseheng
- Diphetoho ditlwaelong tsa ho robala kapa boitshwarong



Haeba ngwana wa hao o a hloriswa, o ka nka bohato lapeng ho thusa ngwana wa hao hore a ithute mekgwa ya ho ikarabella ka tsela e ka mo tswelang molemo.

Mo rute mawa a tobileng le a sa tobang bakeng sa ho shebana le bahlorisi.

O ka rata ho kgothaletsa ngwana wa hao ka tse latelang:

- Qoba maemo ao ho ona ho hloriswang ba bang.
- Leka ho qoba mohlorisi mme o itsamaele le mphato, motswalle, thaka ya hao kapa ngwaneno.
- Iphapanye mohlorisi, o se ke wa bontsha kgalefo kapa tshabo.
- O se ke wa iphetetsa le wena kapa wa ba leqhoko.
- Buisana le titjhere kapa motho e moholo eo o mo tshepang.
- Ruta ngwana wa hao ho ipontsha a itshepa mme a sebeletse ho aha boitshepo ba hae.

Kgothaletsa seabo sa sehlopha. Bana ba hokahanang le thaka tsa bona ha se hangata ba hloriswang. O ka nna wa batla ho thusa ngwana wa hao:

- Kenela lenaneo kapa ketsahalo ya kamora sekolo
- Eba le ketso eo o e ratang e dumellang kgokahano le ba bang



Haeba ngwana wa hao a hloriswa sekolong, o ka sebedisana le matitjhere le batsamaisi ho thea tikoloho e bolokehileng.

Buisana le matitjhere le batsamaisi.

- Ba tsebise ka boemo bona ka ho ba ngolla. Dikolo di tlangwa ke molao ho arabela ditlhorisong.
- Buisanang ka ditsela tseo sekolo se ka thusang ka tsona, jwaloka ho etsa lenaneo la tlhokomediso ya tlhoriso.

Eba karolo ya sekolo sa ngwana wa hao.

- Kenela PTA mme le phahamise tlhokomediso ya tlhoriso jwaloka bothata.
- Ithaope ho bua le lekgotla la sekolo mme o be "setsebi sa tlhoriso".
- Haeba ngwana wa hao a ena le ho se itekanele ho itseng, o ka ahella dipheo tsa thibelo ya tlhoriso ka hara lenaneo la thuto ya ngwana le bopetsweng ngwana ka mong (IEP).



Mohala wa thuso wa Cipla wa
Bophelo ba Kelello wa 24hr
0800 456 789
SMS 31393

